


16  
UKE

# UNDERVISNINGS- VEILEDER

SEX<sup>G</sup>POLITIKK



# SEX OG POLITIKKS UNDERVISNINGSVEILEDER

## 1 OAHPISTEAPMI

Dát lea bagadus oahpponevvui 'VAHKU 16: Seksuála dearvašvuhta ja mielborgárvuhta' (dán rájes Vahku 16). Bagadusas leat min buoremus cavigileamit ja rávvagat dasa mo oahpahit seksualitehta birra. Oahpponeavvu ulbmil lea ahte nuorat ohppet ja smihttet daid norpmaid birra mat váikkuhit sidjiide ja sin juohkebeaivválaš dillái.

Seksualitehtaoahpahus lea miele oahppoplánabuktosis. Ollislaš oahpahus rupmaša, identitehta ja seksualitehta birra sáhttá maid leat miele eastadeamen givssideami ja ovddídeamen loaktima, geahča oahpahuslágá. Seksualitehtaoahpahus lea dovdduidečuhcci fáddá, ja sáhttá leat eanet hástaleaddjin go oahpahit dakkár fáttáid go geografija dahje Ibsena čállosiid birra. Danne mii rávvet vuos lohkat dán bagadusa ovdalgo váldá atnui oahpponeavvu.

## 2 OAHPPONEAVVU BIRRA

Oahpponeavvus leat vihtta filmma, dasa gullevaš bargobihtáguin. Filmmat čájehit go iešguđet olbmot hállet seksualitehta, norpmaid, identitehtat ja ráhkisuoda birra. Das lea maid liekkadanbargobihtá norpmaid birra, mainna mii rávvet álgit jus oahppit eai dovdda doahpaga. Dán bargobihtá sáhttá áinnas geavahit liekkadeapmin juohke bargobihtái, aktiveren dihtii ohppiid ovdamáhtu norpmaid birra.

## FÁGAIDGASKASAŠVUOHTA JA OAHPOPLÁNA

Vahku 16 ollašuhtá mánja gealbomihtu fágaidgaskasaš fáttán *demokratija ja mielborgárvuhta ja álbmotdearvašvuhta ja eallimahálddašeapmi*. Fágaidgaskasaš fáttás *demokratija ja mielborgárvuhta* boahtá ovdan ahte "oahppit galget háhkat máhtu ja gálggaid nu ahte sáhttet dustet hástalusaid demokráhtalaš prinsihpaid vuodul". Go geavahit Vahku 16, de besset oahppit háhkat dakkár gálggaid go norbmakritihkalaš jurddašeami, oahppat gieðahallat oaivilerohusaid ja doahttalit sierramielašvuodaid. Seksualitehta ii leat dušše dat maid mii dahkat priváhtha, muhto juoga mii maiddái čatnasa kultuvrii ja servodahkii. Mielborgárvuoda praktiseren lea jierpmálaš dannego mii dahkat dan ovttas eará mielborgáriuguin.

*Demokratija ja mielborgárvuhta* lea fágaidgaskasaš fáddá, ja dát oahpponeavvu doaibmá burest fágaidgaskasaš bargui. Oahpponeavvu čatnasa earret eará servodatmáhtu, dárogiela ja ROEE gealbomihtuide. Dan sáhttá geavahit fágaidgaskasaš bargui buot fágain, ja álkit heivehit iešguđet prográmmafágaide.

## 3 VUODDOPRINSIHPAT

Oahpponeavvu lea vuodđuduvvon golmma vuodđoprinsihppii, maid birra sáhtát lohkat eanet dás:

- **NORBMAKRITIHKALAŠ:** Dat ahte oahpponeavvu lea norbmakritihkalaš, mearkkaša ahte dat lea kritihkalaš dálá norpmaide. Hárjehallan jurddašit norbmakritihkalaččat šaddá oassin das ahte nannet iežas mielborgárvuđa. Norbmakritihkalaš doaibman mearkkaša earret eará bidjet vuodđun ahte mis leat mánja iešguđet vuogi mo doaibmat nieidan ja gándan. Mii háliidit čájehit ahte seksualitehta lea mánjggadáfot, ja ahte dat lea positiiva. Go mii leat norbmakritihkalaččat, de lea midjiide vejolaš luvvet iežamet dakkár norpmain mat hedjonahttet ja vealahit, ja mis lae eanet friijavuhta beassat eallit nu mo mii háliidit.

- **POSITIIVVALAŠVUOHTA.** Positiiva seksualitehtaoahpahus mearkkaša bidjet vuodđun ahte seksualitehta lea oassi eallimis. Árbevirolaš seksualitehtaoahpahus lea geahččalan deattuhit dávddaid ja áphehisvuoda eastadeami, ja uhcit deattuhan dan mii duođaid čilge eatnašiid seksualitehta; dat mii lea positiiva. Dovddut, itimitehta, návddašeapmi ja sáhkiivuhta.

- **NUORAT GELBBOLAŠ DOAIMMAHEADDJIN.** Seksualitehta čatnasa kultuvrii dainna lágiin ahte dat ovdána dađi miele go birrasa servodat ovdána. Oahpponeavvu bidjá vuodđun ahte nuorat leat iežaset eallima ášedovdit. Áigumuš bargobihtáguin lea vuosttažettiin álkidahttit smiehttama ja gulahallama. Viidáseappot lea áigumuš ahte nuorat galget ovddidit ja nannet iežaset iehčanasvuoda servodagas.



## 4 CAVGILEAMIT OADJEBAS OAHPAHUSSII

Dehálaš lea ásahit buriid rámmaid oahpahussii vai seksualitehtaoahpahus dovdo oadjebassan ja ahte das lea ollu maid oahppá. Vuolábealde sahtát lohkat oasi min buoremus cavigilemiin dasa.

Oadjebas seksualitehtaoahpahus álgá oadjebas oahppanlanjain. Oadjebas oahppanlatnja lea latnja mas oahppit vásihit oadjebasvuoda gaskaneaset, buktet gažaldagaid ja smihttet ovttas. Mii fertet láhčit oahpahusa nu ahte ohppiid oainnut doahthaluvvojit, seammás go mii eat dohkhet givssideaddji dahje vealaheaddji cealkámušaid. Dakkár cealkámuš sáhttá doaibmat vejolašvuohant iskat gos dát jurdagat ja guottut bohtet, ja mo mii sáhttit eastadit ahte dat dovddahuvvojit. Dat sáhttet ovdamarkka dihtii leat fuotnáneaddji dahje ovdagáttolaš kommeanttat sohkabeali, čearddalašvuoda, oskku, seksualitehta, rupmaša dahje identitehta birra.

Jus oahppi dovddaha rasistalaš guottuid, de ferte dahkat čielggasin ahte dat lea aiddo nu: rasistalaš. Dan ferte dohkkehít nu mo dat lea, sihke son gii dan lea dovddahan muhto maiddái son gii leat vuostáváldi – ii leat «dušše» heajos láhtten, muhto dakkar dihto láhtten mii váikkuha dihto láhkai. Dan sáhttá dahkat seammás go suodjala su gii dovddaha cealkámuša, dainna lágiin ahte deattuhit ahte cealkámuš lea rasistalaš, ii ge dat ahte *olmmoš* lea rasistalaš. Jus bohtet vašsicealkámušat luohkkálanjas, de lea du bargu oahpaheaddjin čielggasmahtit ahte dat rihkku luohká njuolggadusaid, muhto sáhttá leat vuogas háleštit dainna ohppiin manjá guovttá gaskka ja čilget manne dat lea nu.

Oahpahuslágá vuodul lea mis skuvlla oahpaheaddjin geatnegasvuoha váldit liige ovddasvástádusa dain ohppiin geat leat erenoamáš rašit ovdamarkka dihtii seksuála soju, sohkabealdovaldheami dahje doaibmanávciaid ektui.

## A SOSIÁLA ŠIEHTADUSAT

Sáhttá ovdamarkka dihtii várret áiggi dasa ahte ásahit «oadjebas lanja», ja ovttas hábmet muhtun sosiála šiehtadusaid. Mii evttohit dákkár sosiála šiehtadusaid:

- Mii geiget giedja go áigut dadjat juoidá
- Mii eat geavat goassege iežamet dahje earáid ovdamarkan, muhto hállat oppalačcat.
- Mii eat fuonáš iežamet dahje earáid olggobealde luohkkálanja
- Mii eat cuiggot earáid gažaldagaid ja kommeanttaid
- Mii gudnejahttit guhtet guoibmámet – maiddái go mii eat leat ovttaoaivilis
- Jus muhtun vásicha oahpahusa váttisin, de lea lohpi guođđit lanja.

## B RÁHKADIT SÁTNELISTTA

Nubbi vuohki mo ásahit oadjebas lanja, lea šiehtadit guđe sániid sáhttá geavahit oahpahusas. Dan sáhttá dahkat ovttas ohppiguin – galgá go dadjat penis, cissasáaggi, vuolledábit vai juoidá áibbas eará? Daddjojuvvo go sekxa, narggašit dahje ráhkistit? Go lea mearridan vokabulára ovdalgo álggaha oahpahusa, dahje go dan čielggada ovttas ohppiguin, de sáhttet muhtun sánit dovdot uhcit heahpadin ja váralažjan.

Go ihtet sánit maid oahppit eai dovdda, galggat čállit daid távvallii ja geavahit áiggi dasa ahte hállat sániid birra. Váttis lea smiehttat sosiála čuołmmaid birra dahje etihkalaš gažaldagaid birra jus ii dieđe sihkkarit maid sátni mearkkaša.

## C DIEHTOJUOKIN OVDDALGIHTII

Muhtun oahppit sáhttet vásihit seksualitehtaoahpahusa eahpedorvolažan dahje váttisin. Siwan sáhttá leat eahpevissisuohta das mas lea sáhka oahpahusas, ja mii galgá dáhpáhuvvat diimmus. Mii sáhttit uhcidit dán eahpevissisuoda go mualit čielgasit mii galgá dáhpáhuvvat, mii galgá leat fáddán, ja guđe vuordámušat mis leat ohppiid oassálastimii. Mii mualit áló ovddalgihtii jus áigut čájehit álás rupmašiid, dahje hállat váttes fáttáid birra nugo illastemiid birra.



## BUORIT ČUOOGGÁT MAID GALGGAT MUITIT OVDALGO MANAT DIIBMUI

### A FÁTMMASTEADDJI OAHPAHUS

Min bargun lea oahpahit seksualitehta birra, eat ge navdit maidege ohppiid seksualitehta birra. Eat ge galgga navdit ahte muhtun seksualitehtavuohki lea eanet riekta go nubbi. Mii geat oahpahit, galgat leat rhapsat ja geavahit fátmasteaddji giela, vai seksualitehtaoahpahus dovdo guoskevažjan buohkaide, ii ge dušše eanetlohkui. Álkes, muhoto beaktilis vuohki dás lea geavahit dakkár dadjanvugiid go «sii min gaskkas» – ovdamearkka dihtii dadjat «sii min gaskkas geat leat tránssat» dan sajis go dadjat «sii geat leat tránssat». Dehálaš lea maid muitit ahte sis min gaskkas geat háliidit vuordit seksain, ovdamearkka dihtii oskku dahje dearvvašvuodhástalusaid

geažil, maiddái lea seksualitehta, ja sis lea seamma vuogatvuohta máhttui seksa ja seksualitehta birra go eará ohppiin.

Ovdagáttut leat juoga mat mis leat buohkain – danne lea dehálaš smiehttat dan birra mo mii hállat daid joavkkuid birra maidda mii ieža eat gula. Ale goassege geavat luohká ovdamearkan, ja garve bivdimis muhtumiid geat gullet unnitlohkoavkuide, čilget sin kultuvrra, oskku, seksualitehta dahje sohkabeali.

### B MÁHTTIT BIVDIT ÁNDAGASSII

Oahpaheaddji áigumuš ii álo dávis dasa maid oahppit fihttejít. Jus bohcíidit boastuád dejumit, de lea dehálaš murdilastit ja doaibmat rabasin. Jus meaddá, de lea vuogas dadjat: dás mun medden, dahje: dadjen boastut. Fuomáš ahte oahppit sáhttet oahpahit dutnje oðja áššiid. Dakkár oahpahus lea ovddiduvvon vuohkin mo ávžuhit guorahallat váttes áššiid oktasačat, mas oahpaheaddji ja oahppit smihttet ovttas. Jurdda ii leat ahte oahpaheaddjis galgá leat fasiitta.

## C UNOHISVUODAPEDAGOGIHKKA JA VÁTTES DIGAŠTALLAMAT

Oahpaheaddji sáhttá ballat ahte čuožilit hui unohis dilit luohkkálanjas go galgá oahpahit dakkár fáttán maid muhtumat vásihit erenoamáš rašin. Mii hálidit dábálačat garvit unohisvuoda, ja geassádit das go dat dáhpáhuvvá. Go mii baicce iskat unohasvuoda go dat čuožila, de sáhttit oažžut čiekjalat áddejumi iežamet ja earáid oainnuin. Mihttun šaddá de ahte eat garve unohisvuoda, muhoto oahppat mo dan giedħahallat. Vuohkin mo dustet unohisvuoda, lea dovddastit ahte dat lea das: «dál dovddat ahte mii leat hálešteamen man nu birra mii boktá dovdduid māngasiin dás. Dat sáhttá vásihuvvot unohassan, muhoto eat go mii geahčal bissut das veaháš ja iskat guhtet guimmiideamet oainnuid.»

Dattetge ii leat álo ulbmilaš digaštallat dievasluohkás. Ohppiin lea iešguđet vuolggasadji digaštallamii, dannego sis leat iešguđet smiehttandásit, ovddalgihtii máhttu, fágalaš dássi ja rávisvuohta dovdduid ektui. Jus digaštallan spiehkasta, de lea dehálaš dan fuobmáti ja loahpahit digaštallama. Dan sáhttá dahkat čuovvovaš vugiiguin:

- Mu mielas dát digaštallan spiehkasta veaháš, eat go mii máhca dán gažaldahkii?
- Muitet njuolggadusaid (sosiála šiehtadusaid), mii galgat čuovvut daid njuolggadusaid, mun oainnán dál ahte mii eat daga dan (deattut «mii» ale geavat «di»).
- Dovddahit ahte dát lea dakkár fáddá man sáhttá leat vátis digaštallat

## D SKUVLLA JA RUOVTTU OVTTASBARGU

Sáhttá leat vuogas dieđihit váhnemiidda goas ohppiin galgá leat seksualitehtaoahpahus. Váhnemati dáidet vásihit ahte sin mánát bohtet ruoktot dakkár gažaldagaiguin maidda sis eai álo leat vástádusat, ja dakkár diliin lea áibbas ortnegis dadjat ahte mii eat dieđe. Jus váhnemiin leat eahpádusat seksualitehtaoahpahussii, de sáhttá leat vuogas čujuhit oahppoplánii ja álggahit digaštallama manne lea dehálaš ahte nuorain lea seksualitehtaoahpahus skuvllas<sup>1</sup>. Neahttiiddus vahkuu6.no lea maid diehtojuohkinčálus váhnemiidda.

1 <https://en.unesco.org/news/why-comprehensive-sexuality-education-important>



## 5 OSKU

Vahkku 16 sistisdoallá bargobihtáid mat sáhttet vuolggahit digaštallama oskku birra. Muhtun oahpaheaddjít eai leat oadjebasat digaštallat dakkár oskku birra man eai dovdda. li leat dárbu oahpásmuvvat oskuvaš teavsttaide vai digaštallamat leat ulbmillačcat, nu guhká go dus lea doarvái máttu bearráigeahčcat ahte digaštallan addá oahpu ii ge leat dubmejeaddji. Das lea dehálaš muitit ahte áddejupmi oskkus lea oktagaslaš. Dehálaš lea muitit oskuvaš gullevašvuoða mánggadáfotvuoða. Isláma oktavuoðas leat stuorra erohusat oskku áddejumis ja geavadis. Dattetge lea dehálaš fuomášit boasttuáddejumiid oskkuid birra, ja álkiduvvon, stereotiipa oainnuid.

Ovdamearkan dasa lea dakkár oaidnu ahte oskuvaččat atnet onaniija suddun. Dat sáhttá leat erenoamáš dehálaš ohppiide geat gullet oskuvaš unnitlohkui. Dán ohppiidjovkui lea dehálaš ahte luohkkálatnja ii šatta dakkár bálin mas sii dovdet ahte sii fertejít bealuštit iežaset oskku.

Jus bohciida digaštallan luohkkálanjas, de lea dehálaš áddehit ohppiide ahte duohtavuohta ii gula dušše ovttá jovkui. Oahpaheaddji bargun lea joðihit digaštallama, ja geavahit vejolašvuoða oahpahit mo gulahallan sáhttá leat gudnejahti ja mas guldala earáid oainnuid.